



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 04-23-4095/23 MS
Sarajevo, 19.04.2023. god.

Ministarstvo saobraćaja Kantona Sarajevo, rješavajući po zahtjevu Udruženja "Dečki u Plavom", za privremenu izmjenu režima saobraćaja na saobraćajnicama u Kantonu Sarajevo na osnovu člana 78. stav (3) Zakona o uređenju saobraćaja na području Kantona Sarajevo ("Sl.novine Kantona Sarajevo", broj 30/17, 46/17 i 01/22), a u vezi sa članom 162, stav (3) Zakona o osnovama sigurnosti saobraćaja na putevima u Bosni i Hercegovini („Službeni glasnik BiH“, broj: 06/06, 75/06, 44/07, 84/09, 48/10, 18/13, 8/17, 89/17, 9/18) i člana 5. Pravilnika o načinu podnošenja i obaveznoj dokumentaciji koja je potrebna za izdavanje rješenja za privremenu izmjenu režima saobraćaja na saobraćajnicama u Kantonu Sarajevo ("Sl.novine Kantona Sarajevo", broj 46/22) i člana 200. Zakona o upravnom postupku ("Sl.novine Federacije BiH", br. 2/98, 48/99, 61/22) donosi:

R J E Š E N J E

1. Daje se saglasnost **Udruženju "Dečki u Plavom"** iz Sarajeva za privremenu izmjenu režima saobraćaja na saobraćajnicama u Kantonu Sarajevo, **za dane 06. i 07.05.2023.** a radi održavanja sportske manifestacije „Sarajevski maraton 2023“ a koja će se održati u Sarajevu.
2. Privremena izmjena režima saobraćaja sastoji se od:
 - a) **Dana 06.05.2023. godine u vremenu od 18:00 do 21:00 sati** u skladu sa operativnom procjenom MUP-a Kantona Sarajevo daje se saglasnost za privremenom obustavom saobraćaja na saobraćajnicama Obala Isa bega Ishakovića, Šeher Čehajina čikma i Avdage Šahinagića a i cilju organizacije svečanog otvaranja manifestacije Sarajevo Maraton 2023.
 - b) **Dana 07.05.2023. godine u vremenu od 00:00 do 14:00 sati** daje se saglasnost za privremenom obustavom saobraćaja lokalitetu koji gravitira trgu Prve policijske brigade i to ulicama Obala Isa bega Ishakovića (između mosta Tabaci i Šeherčehajića mosta), Šeher Čehajina čikma i Avdage Šahinagića, Veliki Alifakovac do spoja sa ulicom Alifakovac.
 - c) **Dana 07.05.2023. godine u vremenu od 08:00 do 13:00 sati – maratonska trka** u skladu sa operativnom procjenom MUP-a Kantona Sarajevo daje se saglasnost za privremenom parcijalnom



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, Fax: + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba

obustavom saobraćaja za vrijeme prolaska učesnika manifestacije kojima se ima dati prednost prolaska u odnosu na pješački, motorni, biciklistički i ostale vidove saobraćaja na trasi kretanja maratonske trke i to: START Obala Isa bega Ishakovića – Novi most Vijećnica – Obala Kulina bana – Telali – Mula Mustafe Bašeskije – Maršala Tita – Zmaja od Bosne – Bulevar Meše Selimovića – Džemala Bijedića – Sarajevska cesta – Blažujski drum – Vrelo Bosne – Velika aleja – IV viteške brigade – Hrasnička cesta – Put Famosa – međuentitetska granica – Istočno Sarajevo – međuentitetska granica – Želimira Vidovića Kelija – Ante Babića – Safeta Hadžića – Zvornička – stadion Grbavica – Zvornička – Grbavička – Zagrebačka – Terezija – Skenderija – Hamdije Kreševljakovića – Bistrik – Obala Isa bega Ishakovića CILJ.

d) **Dana 07.05.2023. godine u vremenu od 08:00 do 13:00 sati – polumaratonska trka** u skladu sa operativnom procjenom MUP-a Kantona Sarajevo daje se saglasnost za privremenom parcijalnom obustavom saobraćaja za vrijeme prolaska učesnika manifestacije kojima se ima dati prednost prolaska u odnosu na pješački, motorni, biciklistički i ostale vidove saobraćaja na trasi kretanja maratonske trke i to: START Obala Isa bega Ishakovića – Novi most Vijećnica – Obala Kulina bana – Telali – Mula Mustafe Bašeskije – Maršala Tita – Zmaja od Bosne – Bulevar Meše Selimovića – Džemala Bijedića – Tvornička- Džemala Bijedića – Ante Babića – Safeta Hadžića – Zvornička – stadion Grbavica – Zvornička – Grbavička – Zagrebačka – Terezija – Skenderija – Hamdije Kreševljakovića – Bistrik – Obala Isa bega Ishakovića CILJ.

e) **Dana 07.05.2023. godine u vremenu od 08:00 do 13:00 sati – 5k trka** u skladu sa operativnom procjenom MUP-a Kantona Sarajevo daje se saglasnost za privremenom parcijalnom obustavom saobraćaja za vrijeme prolaska učesnika manifestacije kojima se ima dati prednost prolaska u odnosu na pješački, motorni, biciklistički i ostale vidove saobraćaja na trasi kretanja maratonske trke i to: START Obala Isa bega Ishakovića – Novi most Vijećnica – Obala Kulina bana – Telali – Mula Mustafe Bašeskije – Maršala Tita – Vrbanja – Terezija – Skenderija – Hamdije Kreševljakovića – Bistrik – Obala Isa bega Ishakovića CILJ.

f) **Dana 07.05.2023. godine u vremenu od 08:00 do 13:00 sati** daje saglasnost za ulazak u ulicu Velika aleja – Općina Ilidža za vozila organizatora a uz prethodnu najavu MUP-u Kantona Sarajevo. Vozila se prilikom kretanja na saobraćajnici Velika aleja moraju kretati po pravilima kretanja propisanim u zonama smirenog saobraćaja.

g) **Dana 07.05.2023. godine u vremenu od 08:00 do 13:00 sati** operateri JGPP prilagodit će održavanje linija javnog prevoza ovom rješenju.

3. Privremenu izmjenu režima saobraćaja provesti na sljedeći način:

- Privremena obustava saobraćaja sastoji se od povremene kratkotrajne (etapne) obustave u dijelu kolovoza kojom se kreću učesnici događaja a uz regulaciju policije Ministarstva unutrašnjih poslova Kantona Sarajevo.
- Regulaciju toka saobraćaja na dijelu potpune obustave saobraćaja i raskrscicama na kojima se saobraćaj usmjerava u alternativne pravce vršit će pripadnici MUP-a Kantona Sarajevo, etapno u



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, Fax: + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba

zavisnosti od brzine kretanja učesnika manifestacije. Nakon utvrđenog vremenskog termina na pojedinoj dionici, učesnici manifestacije koji su se odvojili od matične kolone defilea, organizator je dužan putem svojih redara usmjeriti saobraćajnice na trotoar, o učinjenom izvijestiti MUP, koji će nakon navedenog uspostaviti redovni režim saobraćaja.

- Alternativni pravci kretanja na dijelu potpune obustave saobraćaja su ulice koje se ukrštaju sa dionicama trase kretanja učesnika manifestacije.
 - U zavisnosti od brzine, dinamike odvijanja manifestacije, te procjene operativnih organa MUP-a KS, na svim raskrsnicama na kojima se nalazi trasa kretanja učesnika događaja policijski službenici MUP Kantona Sarajevo će vršiti povremena propuštanja vozila, kao izlaz sa parking površina unutar zone privremenog režima saobraćaja do najkraće tačke spoja sa ulicom neometanog saobraćaja.
 - Taksi štandovi koji se nalaze na trasi održavanja utrke, privremeno izmjestiti na prve susjedne koji gravitiraju istom, a nisu u zoni obuhvata privremene izmjene režima saobraćaja.
 - Putem sredstava javnog informisanja izvijestiti javnost o privremenoj obustavi saobraćaja.
 - Istekom razloga za privremenu obustavu saobraćaja organizator manifestacije je dužan ukloniti potrebne rekvizite za održavanje manifestacije, te dovesti saobraćajnice u prethodno stanje.
 - Putem sredstava javnog informisanja izvjestiti građane o obustavi saobraćaja. Sa rješenjem upoznati nadležne općinske službe i mjesne zajednice kroz koje prolazi trasa kretanja učesnika te postaviti obavijesti na svim ulazima u stambene objekte kojim će se građani upoznati sa privremenom izmjenom režima saobraćaja te ostalim odredbama pripisanih rješenjem.
4. Nepoštivanje i necijenjenje odredbi propisanih ovim rješenjem stavlja rješenje van pravne snage a primjedbe od strane građana u smislu ne provođenja mjera propisanih ovim rješenjem rezultirat će ukidanjem istog te nemogućnosti ponovnog izdavanja.

O b r a z l o ž e n j e

Ministarstvu saobraćaja obratilo se Udruženje "Dečki u Plavom" iz Sarajeva, zahtjevom koji je primljen na protokol Kantona Sarajevo broj: 04-23-4095 dana 23.03.2023 godine za privremenu izmjenu režima saobraćaja u ulicama na području Kantona Sarajevo a radi organizacije sportske manifestacije „Sarajevski maraton 2023“ a koja će se održati u Sarajevu 06. i 07.05.2023.

Razmatrajući predmetni zahtjev, te primjenjući odredbe člana 78. stav (3) Zakona o uređenju saobraćaja na području Kantona Sarajevo ("Sl.novine Kantona Sarajevo", broj 30/17, 46/17 i 01/22), a u vezi sa članom 162, stav (3) Zakona o osnovama sigurnosti saobraćaja na putevima u Bosni i Hercegovini („Službeni glasnik BiH“, broj: 06/06, 75/06, 44/07, 84/09, 48/10, 18/13, 8/17, 89/17, 9/18) i člana 5. Pravilnika o načinu podnošenja i obaveznoj dokumentaciji koja je potrebna za izdavanje rješenja za privremenu izmjenu režima saobraćaja na saobraćajnicama u Kantonu Sarajevo ("Sl.novine Kantona Sarajevo", broj 46/22) i člana 200. Zakona o upravnom postupku ("Sl.novine Federacije BiH", br. 2/98, 48/99, 61/22) ocijenjeno je da ne postoje smetnje za izdavanje traženog odobrenja, te je odlučeno kao u dispozitivu rješenja.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, Fax: + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba

Pouka o pravnom lijeku:

Protiv ovog rješenja može se izjaviti žalba Vladi Kantona Sarajevo u roku od 15 dana od dana prijema rješenja. Žalba se predaje putem ovog ministarstva ili poštom, taksirana sa 6,00 KM takse, u skladu sa odredbama člana 19. tarifni broj 3. Zakona o administrativnim taksama ("Sl.novine Kantona Sarajevo", broj 30/01- Prečišćen tekst).

Dostaviti:

- 1 Udruženju " Dečki u Plavom"
Gradačačka broj 28 tel: 062/684-700 – *lično preuzimanje*
- 2 MUP-u Kantona Sarajevo
- 3 Udruženje Sarajevo taksi – na znanje
- 4 KJKP Gras d.o.o. Sarajevo – na znanje
- 5 Centrotrans d.d. Sarajevo – na znanje
- 6 Web
- 7 Press Kantona Sarajevo
- 8 BIHAMK
- 9 Evidencija
- 10 Arhiva



POŠTASTENJU MINISTRA
POMOĆNIK MINISTRA



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, Fax: + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba